

Assalamu'alaikum Wr. Wb.

### Pemilukada sing Salah.

1. : Narator
2. : Mas Kubi
3. : Kartince
4. : Sonah
5. : Pak Jarwo
6. : Pak Fadlan
7. : Iyem

Taun iki bakal ono pemilukada serentak sak Indonesia. Kabupaten Lamongan yo bakal ngadakno pemilihan bupati anyar. Panitia pemilu lan peserta pemilu podo nyiapno anggone pemilu serentak iki.

Pak Jarwo : (Moco koran) “Taun iki bakal dadi taun sing seru, tahun iki ono pemilu serentak sak Indonesia. Mugo-mugo oleh duwit akeh.”

Kartince : “Assalamu'alaikum ... !!” (Nggedor-nggedor lawang)

Pak Jarwo : (Njempalik tibo soko kursi) “Astaghfirullah, ono opo, wayah ngene kok nang omahe wong.” (Banjur bukak lawang.)

Kartince : “Ngapunten pak Jarwo, nami kulo Kartince. Calon bupati warsa 2015 warsa paling ayu kaliyan paling sugeh.” (Karo mbukak kipas lan kedip-kedip ala

Sahrini)

Pak Jarwo : “Masya Allah, ngapunten bu. Niki griya kulo, mboten RSJ. Beleh njenengan badhe teng RSJ, saking mriki wonten pertigaan. Mangke jenengan belok kanan lajeng mlebet gang banjur ngantos gang buntu, jenengan mlebet teng griyo cat coklat.”

Kartince : “Kulo mboten badhe teng RSJ, kulo badhe ndaftaraken nami kulo dados calon bupati pak.”

Pak Jarwo : “Ngeten nggeh, beleh sampean badhe ndaftar. Njenengan kesah kantor mawon. Mboten ten omah kulo wayah ngene.”

Kartince : “Oh, nggeh nggeh.”

Kartince metu karo maju mundur ala Sahrini. Jarwo nyeluk pembantune.

Pak Jarwo : “Iyem, Iyem ...”

Iyem : “Inggih pak, wonten nopo?”

Pak Jarwo : “Ngene, engko nek ono wong sing wonge endel lan koyok wong sugih, engko awakmu kongkon melbu ae. Tapi waraono aku metu wae.”

Iyem : “Inggih pak, kulo kesah pawon nggeh.”

Pak Jarwo : “Iyo wes ndang kono masako. Wetengku wes luwe.”

Iyem : “Inggih pak.” (Budal nang pawon)

Pak Jarwo : “Ono ono wae, wong gendeng ape nyalon bupati. Piye karepe. Wes tah, tak adus disik. Nandang budal nang kantor.” (nggremeng)

Nang warung ono pak Padlan, karo Sonah.

Sonah : “Loh, pak Padlan. Taun niki niku badhe wonten pemilukada nggeh?”

Pak Padlan : “Yo mesti loh Nah, taun iki. Aku kudu nyalonno bupati maneh.”

Sonah : “Loh, berarti sampeyan iki wes orah njabat bupati nggeh?”

Pak Padlan : “Wes gak toh, aku wes mudun ket sak ulanan iko.”

Sonah : “Niku pak, njenengan nyalon malih kan? Kulo gelem nyoblos njenengan, tapi nggeh koyo taun iko.”

Pak Padlan : “Tenang ae, aku wes ono dana.”

Sonah : “Oke pak, pak Padlan iku wes sing paling top.”

Pak Padlan : “Loh yo mesti toh, wes ngganteng, sugih, bupati pisan.”

Sonah : “Hidup pak Padlan, hidup pak Padlan!!” Pak Jarwo teko.

Pak Jarwo : “Assalamu’alaikum!!”

Sonah : “Wa’alaikum salam. Loh pak Jarwo, dungaren kok ngopi.”

Pak Jarwo : “Yo rapopo toh. Wong yo aku ape sosialisasi tentang pemilu iki kok.”

Sonah : “Oh ngono toh.”

Pak Padlan : “Pak Jarwo, ngeten masalah calon sing apene dadi bupati niku piye?”

Pak Jarwo : “Tenang pak, sampun kulo atasi.”

Pak Padlan : “Alhamdulillah, nggeh beleh ngoten nggeh mpun. Matur suwun. Kulo balik nggeh.” (Pak Padlan mulih.)

Pak Jarwo : “Nggeh mpun, yu Sonah aku mbalek sek. Iki kanggo kopiku karo pak Padlan.” (Jarwo mulih pisan.)

Sonah : “Ealah, mugo-mugo iki mene pemilu nekakno rejeki akeh. Wes-wes, mangsa rendeng koyo ngene arang wong budal nang warung polae udan.”

Pak Jarwo wes nerimo calon-calon sing apene dadi bupati. Bengi iku pak Jarwo lagi ngolah data kang ape dienggoh pemilu.

Pak Jarwo : “Cah-cah, pemilu iki gak sepiro koyo taun iko seh. Aku lagi males nggarap iki, karuan mbukak dota sek. Kanggo refreshing sek. Nek ngene terus aku iso mati ngarepe laptop.” (Nggremeng dewe)

Kartince : (Nggedor-nggedor lawang) “Assalamu’alaikum. Pak Jarwo, pak Jarwo.”

Pak Jarwo : “Iyo, iyo. Paling-paling lak Kartince maneh. (Bukak lawang.) Loh kan temen.”

Kartince : “Jelas toh pak, kulo kan calon bupati sing paling ayu, paling sugih lan paling sukses.”

Pak Jarwo : “Wes-wes, kowe arep opo toh Ce.”

Kartince : “Ngene ngene, ehm, ehm. Ngeten pak, maksud kulo kesah meriki niki wonten tujuan. Tujuanipun badhe ngeteraken duit depe kanggo dadi bupati.”

Pak Jarwo : “Maksudmu?”

Kartince : “Halah, iku loh pak. Duit, duit.”

Pak Jarwo : “Oh, ayo melbu-melbu.” (Ngejak Kartince melbu)

Kartince : “Nek wes diwarahi ngene wae ngejak melbu.” (Nggremeng dewe)

Pak Jarwo : “Iyem ... Iyem ...”

Iyem : “Inggih pak, wonten nopo?” (Iyem mlayu karo nggowo sutil)

Pak Jarwo : “Kowe lagi opo toh Yem, lapo kok nggowo sutil kuwi. Iki loh ono tamu, gawekno jus jeruk sing orijinal, asli, ora marimas.”

Iyem : “Kulo lagi nggoreng ayam pak, iki ambune loh (Ndekek sutil nang irunge pak Jarwo) enak toh pak?”

Pak Jarwo : “Kowe iki lapo toh Yem, pembantu kurang ajar. Cepet kono gawekno. Aduh, irungku panas.”

Iyem : “Ngapunten pak, inggih kulo betohaken.”

Pak Jarwo : “Iyo wes ndang mrono.”

Iyem : (Isih muter-muter karo intip-intip ruang tamu) “Inggih pak”

Pak Jarwo : “Inggih inggih, wes ndang nang guri kono.”

Pak Jarwo lan Kartince omong-omongan suwe, banjur Iyem teko nggowo jus jeruk.

Iyem : “Niki, monggoh diunjuk.”

Pak Jarwo : “Kowe iki teko endi ae toh Yem, gawe jus wae suwene koyo ngopi nang sonah.”

Iyem : “Lah, njenengan ngomonge jus jeruk orijinal, asli, ora marimas. Kulo mumeti deso. Ora ono sing mereke orijinal pak. Wontene nutrisari, lan marimas. Dados nggeh kulo nggawe jus saking jeruk ten kulkas.”

Pak Jarwo : “Iyem, Iyem. Wes ndang mbalik”

Kartince : “So, ngeten pak. Niki artone, njenengan tampani.”

Pak Jarwo : (Nerimo amplop gede.) “Nggeh, matur suwun mbak Kartince.”

Kartince : “Kulo kondur nggeh, monggo.”

Pak Jarwo : “Enggeh, enggeh. Monggo, monggo. Waduh, oleh duwit akeh iki (Bukak amplop, duwit mau arupa recehan lugur kabeh). Iki piye karepe seh, awas kowe Ce. Gak tak menangno kowe.”

Wayah isuk kuwi, ono debate calon bupati kabupaten Lamongan. Para wakil nduweni alasan dewe-dewe dadine ora ana sing bisa teka.

Pak Jarwo : “Assalamu’alaikum, bapak-bapak lan ibu-ibu. Langsung kemawon, acara debat dimulai. Monggo, niki topik kang mesti dipundhut. Ngapunten, niki tasik wonten kale tiyang ingkang dereng rawuh. Monggo di mulai mawon, bu Sonah monggo.”

Sonah : “Assalamu’alaikum. Kulo saget ngadek ten mriki amergi bantuan saking rencang-rencang kang mbantu kulo. Kulo ten mriki dumados wakil saka rakyat, kulo biasane jogo warung ten daerah Nggajah, tema” (dipedhot karo pak Fadlan)

Pak Fadlan : “Ngapunten kulo telat, kulo badhe nyampekaken tujuan kulo, yen kulo kepilih kulo badhe ngelestarino perpustakaan ... Sonah. Kulo bakalan ndirikno bandara nang Lamongan, lan sek akeh lah terus” (dipedhot karo Kartince)

Kartince : “Sahrini teko rek, calon bupati sing paling sugih, paling ayu wes teko.”

Pak Fadlan : “Loh, mimi. Lapo mimi nang kene?”

Kartince : “Aku ngono yo nyalon dadi bupati toh pi.”

Pak Fadlan : “Tapi nek aku sing dadi kan aku bakalan ngekeki mimi duwik belonjo.”

Kartince : “Belonjo tok? Aku yo apene tuku mas-masan toh pi, duwik sing sampean wenahi kurang nggoh tuku emas. (Kedip-kedip) Dadi nek aku sing dadi bupati, aku iso tuku-tuku sembarang pinginanku. Gak njagakno sampeyan, ngerti ta?”

Pak Fadlan : “Ojo ngono toh mi, nek aku sing dadi bupati, samen yo sing oleh jeneng nang kompleks.”

Kartince : “Kompleks tok? Kurang pi, ben jenengku melbu nang situs wipikedia iku loh.”

Sonah : “Sampun, sampun ibu bapak. Njenengan niku mboten usah tukaran ten nggarepe umum koyo ngene, njenengan mestine ngerembukno iki bebarengan ten omah.”

Pak Fadlan : “Loh Sonah, kowe lagi opo nang kene?”

Sonah : “Aku yo nyalon toh pak Fadlan, aku dadi utusan teko masyarakat lan pirang–pirang partai, amarga aku sing rodok pinter politik lan ngerti kondisine masyarakat Lamongan kuwi lan potensi-potensi kang kudu dikembangno.

Kartince : “Sopo iki Sonah, selingkuhane samen yo pi, iyo ngono wes iso selingkuh. Dumane kerjo wae wes selingkuh koyo ngene, cobak nek aku mene sing kerjo. Tak selingkuh pisan karo Aa’ Arul iku loh pokalis band sing nomer punggunge pitu pas main silat.”

Sonah : “Kulo niki mboten sopo-sopone pak Fadlan bu Kartince, kulo niki mek koncone.”

Kartince : “Nek ngono aku butuh penjelasan pipi, aku gak gelem di dadekno wong koyok ngene. Bener aku sampen wenehi duwit tapi yo, nek samen nang njobo ojo koyok ngene toh pi, aku kuciwa marang samen pi.”

Sonah : “Kulo mboten sinten-sintene pak Fadlan, kulo rencange mawon bu, pak Fadlan gelek dolan nang warung kulo kang sepi. Biasane kaliyan pak Jarwo. Dados nggeh kulo akrab kaliyan pak Fadlan.” (Omonge bareng karo Kartince marang pak Fadlan kang wes kepojok).

Dino-dino berganti sampek nang tanggal pengumuman saking kpps kabupaten Lamongan ngenani bupati anyar, kabeh bupati wes ngumpul nang nggongne pengumuman. Nang kono ono pak Jarwo karo asistene lan pembantune, mas Kubi lan Iyem, Kartince, Sonah, pak Fadlan.

Pak Jarwo : “Niki hasil pengumumane, kulo sebagai ketua umum kpps netepaken, bupati anyar nang kabupaten Lamongan yaiku ...”

Pak Fadlan : “Kudu aku, ben aku ora sia-sia ngekeki duwit nang limang kecamatan ben milih aku (Karo mbengok) Loh, loh, lapo nyawang aku kabeh iki?”

Pak Jarwo : “Sonah!!”

Pak Fadlan : “Loh, kok iso Sonah kuwi. Aku loh wes nyogok pirang-pirang uwong loh padahal. Lapo kok gak aku sing dipilih. Heeh, heeh,” (Napase mulai gak teratur, pak Fadlan tibo teko kursi lan semaput.)

Pak Jarwo : “Loh, pak Fadlan lapo kuwi. Kubi, kowe kan biyen tau kuliah akper toh. Iku deloken kenek opo.”

Mas Kubi : “Inggih pak, kulo cek. (Nyekel denyut nadine pak Fadlan.) Loh, loh gawat iki. Pak Fadlan sampun tilar ndunyo.”

Pak Jarwo : “Loh, sing temen sampean mas, ojo ngomong sembrono talah!”

Mas Kubi : “Inggih pak temen. Pak Jarwo kenek serangan jantung.”

Kartince : “Hah, pipi. Ojo mati pipi, ojo mati (Dicekeli karo Iyem) Aku ape urip karo sopo? Ape karo Aa’ Arul sing pokalis band nomer punggunge pitu pas main silat iku tah? Sing playboy iku ta? Gak kan pi, ojo mati sek pi. Tangio sek pi.”

Mas Kubi : “Mpun bu, njenengan mboten usah kepikiran.”

Kartince : “Piye gak ke-pi-ki-ran toh leh, Heeh, heeh” (Kartince melu semaput pisan)

Pak Jarwo : “Cepet cek en pisan iku Kubi, Kartince iku mek semaput tok kan?”

Mas Kubi : (Nyekel denyut nadine Kartince) “Waduh pak Jarwo, koyoake kenek serangan jantung pisan polae kaget niki pak.”

Pak Jarwo : “Pak Padlan, Kartince ojo mati, iki piye iki. Mengko nek mati aku gak oleh bayaran ngono, terus piye kekarepanmu pak Padlan.”

Pak Padlan : (lungguh) “Woy, ojo ngomong ae. Aku iki gurung di kubur, iki engko selak aku mati bekuturen polae ngenteni dikubur gak nang dikubur.” (turu maneh)

Pak Jarwo : “Menengo Padlan, kowe iku akting. Ojo gerak sek. Ayo wes ndang ndang. Narator, cepet!”

Dino iku wes pitung dinane pak Padlan, pak Jarwo lagi moco korang nang duwur kursi koyo biyasane.

Pak Jarwo : “Dua orang calon bupati di Lamogan meninggal karena hasil pemilukada. (Nggremeng). Wes-wes, konco-konco. Kene iku sek enom, gak ngerti kapan bakalan mati. Dadi ayo podo ngelakoni sing apik-apik yo. Ojo seneng nerimo duwik gak jelas koyok mau. Ayo budayakno jujur ing kauripan kene. Kulo selaku wakil saking kelompok kulo. He rek, mereneo. Ngaturaken, matur suwun, nyuwun ngapunten beleh wonten kelepaten ing drama niki.”  
Wassalamu’alaikum Wr. Wb.